

諭



庚戌四月

四月初一日內閣奉

上諭前奉 先朝諭旨設立資政院以為上下議院之基

礎 聖謨宏遠薄海同欽朕御極以來日以繼 志述

事為務迭經降旨將該院院章暨各項選舉章程釐

定頒布責成內外臣工切實籌辦本年九月初一日為

第一次開院之期所有單開各項欽選議員宗室王公

世爵著魁斌載功訥勒赫載瀛載潤溥霽全榮壽全載

鎧載振毓盈載燕盛昆慶恕為議員滿漢世爵著希璋

黃懋澄志鈞榮全榮堃廷秀曾廣燮存與季長祿敬昌

劉能紀胡祖蔭為議員外藩王公世爵著博迪蘇貢桑

諾爾布色凌敦魯布色隆托濟勒勒旺諾爾布特古斯

阿勒坦呼雅克圖綳楚克車林多爾濟帕拉穆達木克

蘇倫那彥圖索特那木扎木柴巴勒珠爾拉布坦司迪

克那木濟勒錯布丹為議員宗室覺羅著定秀世珣榮

諭旨

普成善景安宜純為議員各部院衙門官著奎謙陳懋

鼎趙椿年錫嘏榮凱毓善劉道仁文哲璋張緝光李經

瀚林炳章慶蕃顧棟臣何藻翔陳善同劉澤熙魏聯奎

趙炳麟儼忠胡駿王璟芳文溥吳敬修柯劭忞榮厚胡

昞泰汪榮寶劉華長福曹元忠吳緯炳郭家驥為議員

碩學通儒著吳士鑑勞乃宜章宗元陳寶琛沈家本嚴

復江瀚喻長霖沈林一陶葆廉為議員自應先期召集

以備舉行著以本年八月二十日為召集之期所有該

院議員均即遵照定期一律齊集將開院以前應有事

宜妥行準備該議員等須知此次召集資政院為中國

前此未有之創舉即為將來成立國會之先聲務期竭

盡忠誠恪守秩序克擔義務代表與情用副朝廷實行

立憲循序程功之至意將此通諭知之欽此

四月初二日奉

旨增崇現在穿孝所管鑲黃旗蒙古都統著色楞額兼署

欽此 同日內閣奉

五十七

庚戌

諭 旨

上諭浙江定海鎮總兵邱開浩著開缺另候簡用欽此

同日奉

上諭福建興化府知府陳景墀貴州鎮遠府知府雙壽均

著開缺送部引見欽此

四月初三日內閣奉

上諭貴州鎮遠府知府員缺著吳蔭培補授欽此

四月初五日內閣奉

上諭貝勒載瀛奏病難速痊請開去御前行走差使並請

停俸一摺載瀛著再賞假一個月調理毋庸開去差使

欽此

四月初六日內閣奉

上諭此次驗看之學部考驗游學畢業生吳匡時著賞給

工科進士魏宸組金保康金鴻翔張更生郝延鍾龔廷

棟均著賞給法政科舉人欽此

四月初七日內閣奉

上諭上年據修律大臣奏進編定現行律當經諭令憲政

五十八

五月

編查館覆核奏准茲據該館及該大臣等將現行刑律
黃冊並按照新章修改各條繕具進呈朕詳加披覽尙
屬妥協著卽刊刻成書頒行京外一體遵守國家律令
因時損益此項刑律爲改用新律之預備內外間刑各
衙門務當悉心講求依法聽斷毋得任意出入致滋枉
縱以副朝廷慎刑協中之至意欽此 同日奉

上諭前據御史胡思敬奏疆臣縱庇私人濫殺多命請飭
查辦一摺當經諭令陳夔龍確查茲據查明覆奏已革
文水縣知縣劉彤光於民人要求種煙既不早爲勸導
臨時又甚張皇致釀重案業經革職著永不敘用署交
城縣知縣直隸州知州徐星期查禁敷衍坐任部民聚
衆滋事著卽行革職陸軍教練處幫辦布理問銜江蘇
武備畢業生夏學津鹵莽圖功誤傷多命陸軍步隊第
一營管帶武備畢業生李逢春縱令所部騷擾閭閻著
一併撤差褫革山西巡撫丁寶銓兩次奏陳但就各文
武等所稟情形據以入告僅將劉彤光參革而於此外

辦理不善之文武概未議及亦難辭疏忽之咎丁寶銓

著交部察議朝廷於禁煙一事志在必行此次該省釀

亂始由於地方官之查禁不力而統兵官亦未能審慎

辦理故各予以處分至於民間種煙希圖弛禁膽敢聚

衆抗官此等刁風斷不可長自應嚴加懲治嗣後仍著

各該地方官嚴切查禁毋稍懈弛該衙門知道欽此

四月初八日內閣奉

上諭那桐等奏查驗續經報到薦舉各員分別加考開單

呈覽一摺所有中書科中書馬其昶著查驗大臣那桐

等帶領引見陸軍部補用員外郎陳宣前直隸長蘆鹽

運使周學熙山西河東道陳際唐著於本月初九日起

每日一員呈遞膳牌預備召見欽此 同日奉

上諭瑞澂奏巡警道溺職殃民據實糾參一摺湖北巡警

道馮啓鈞徇利忘義警政廢弛縱容劣弁擾害商民著

卽行革職永不敘用以示懲儆該部知道欽此 同日

奉

諭 旨

上諭湖北巡警道員缺著全興補授欽此

四月初九日內閣奉

上諭鑲黃旗滿洲都統那彥圖等會奏議覆御史玉春奏

開放八旗兵丁餉銀畫一辦法一摺八旗開放兵餉弊

竇叢生亟應認真整頓以期食餉兵丁均霑實惠著各

旗都統將從前積弊悉行剔除擬定畫一辦法請旨辦

理所請原領一分辦公由部扣除按照六分數目發給

專為闔署辦公之處著毋庸議欽此

四月初十日內閣奉

上諭四川鹽茶道員缺著尹良補授欽此 同日奉

上諭各省添設巡警勸業兩道缺所以保衛治安振興實

業皆屬新政要圖而各省或將裁缺人員改授或於候

補班中按資請補名爲公道而人不稱職則事多廢弛

閭閻無以保治安實業亦無振興之望此豈設官本意

耶著各該督撫於已補之巡警勸業兩道人員悉心考

覈如其不能勝任或於此缺不宜卽行奏明開缺另補

諭旨

母得迴護瞻徇總期為缺擇人不為人擇缺庶於地方有益欽此

四月十一日內閣奉

上諭督辦鹽政大臣載澤奏遵旨會商一摺朝廷慎重鹽政特派大臣督辦原令直接管理以一事權而資整頓惟因疏銷緝私關涉地方故命各督撫會同辦理前據錫良等電奏鹽政章程諸多窒礙當經諭令該大臣會商各督撫詳議具奏茲據覆陳會商各節朕詳加披覽該督等擬將用人行政悉歸會辦之督撫是與從前督撫兼管鹽政無異朝廷何貴有此特舉耶且於前兩次諭旨毫未仰體至該督辦大臣受國重寄應如何力任其難認真籌辦乃此次僅據該督等覆電具奏意存諉卸殊負委任均著傳旨申飭所有鹽務用人行政一切事宜仍著照奏定章程辦理將來如有應行變通之處著該督辦大臣隨時體察情形奏明請旨遵行鹽務關係重要自此次嚴切申諭後務各懷遵前兩次諭旨和

六十

五月

衷共濟相與有成若各懷挾成見因循積習斷斷權限貽誤要政惟該大臣與各督撫等是問恐不能當此重咎也將此諭令知之欽此

四月十二日內閣奉

上諭續經報到保薦人才經派那桐等查驗詢問茲已一律召見引見完竣所有單開之前長蘆鹽運使周學熙山西河東道陳際唐均著交軍機處存記陸軍部員外郎陳宦著以四品京堂候補仍回奉天充當統制差使中書科中書馬其昶著以學部主事補用欽此 同日奉

上諭本日補行引見之陸軍貴胄學堂畢業考列上等之附貢生衛獻政著補授陸軍副軍校欽此

四月十三日內閣奉

上諭琦瑤屢次請假久未當差著開去乾清門並委散秩大臣差使欽此 同日奉

旨鑲白旗護軍統領印鑰著景恩暫行佩帶欽此

四月十四日內閣奉

上諭廷杰奏因病請續假一個月並請派署尙書員缺一

摺廷杰著賞假一個月毋庸派署欽此 同日奉

旨此次考試各省保送舉貢宗室取中二名滿洲取中十

三名蒙古取中四名漢軍取中五名直隸取中三十二

名奉天取中四名山東取中二十六名山西取中十二

名河南取中十六名陝西取中十一名甘肅取中七名

江蘇取中二十名安徽取中十四名浙江取中二十二

名江西取中二十一湖北取中十五名湖南取中十

二名四川取中十四名福建取中二十二名廣東取中

十五名廣西取中十二名雲南取中十名貴州取中十

一名欽此

四月十六日內閣奉

上諭上年度支部奏稱幣制重要宜策萬全當即諭令會

議政務處妥議旋經覆奏准予飭部設局調查茲據該

部具奏釐定幣制酌擬則例繕單呈覽及籌擬舊幣辦

諭旨

法各摺朕詳加披覽所擬各節尙屬切實可行亟宜明

白宣示中國國幣單位著卽定名曰圓暫就銀爲本位

以一圓爲主幣重庫平七錢二分另以五角二角五分

一角三種銀幣及五分銀幣二分一分五釐一釐四種

銅幣爲輔幣圓角分釐各以十進永爲定價不得任意

低昂著度支部一面責成造幣廠卽卽按照所擬各項

重量成色花紋鑄造新幣積有成數次第推行所有賦

稅課釐必用制幣交納放款亦然並責成大清銀行會

同造幣廠將新舊交換機關籌備完密一面通行各省

將現鑄之大小銀銅圓一律停鑄並知照京外各衙門

按照單開折合標準及改換計數名稱各條依限妥辦

將來新幣發行地方所有生銀及從前鑄造各項銀銅

圓准其暫照市價行用由部飭幣廠銀行逐漸收換並

酌定期限停止行用迨新幣通行以後無論官私各款

均以大清銀幣收發交易不得拒不受亦不准強行

折扣至於偽造制幣大干例禁緝拿懲治均屬地方之

諭 旨

責著各部院順天府及將軍都統大臣各省督撫督飭所屬各就所管事項遵照則例切實奉行並轉諭各該處商會宣演則例大意使人人知此次改定幣制專為便民便商剷除向來平色紛淆之弊以立清釐財政之基倘有奸商市儈藉端搖惑愚民抑揚物價即著從嚴懲治用副朝廷利用厚生之至意餘著照所議辦理將此諭令知之欽此 同日奉

上諭鑲紅旗漢軍都統崇勳由翰林洊躋卿貳擢授都統宣力有年克勤厥職茲聞溘逝軫惜殊深加恩著照都統例賜卹任內一切處分悉予開復應得卹典該衙門察例具奏伊子一品廕生松年著以郎中補用欽此 同日奉

旨鑲紅旗漢軍都統著恩存補授欽此 同日奉

上諭荊州將軍著聯芳補授欽此 同日奉

上諭鄒嘉來著轉補外務部左侍郎外務部右侍郎著胡

惟德補授欽此

六十二

五月

四月十七日內閣奉

上諭前經降旨將宗室王公世爵等應選資政院議員人員分別選定並經豫定召集日期令該院各項議員屆期一律齊集茲據資政院奏請續行欽選議員開單呈覽一摺所有單開之納稅多額互選當選人著孫以蒂李士鈺周廷弼林紹箕席綬王佐良宋振聲李湛陽羅乃馨王鴻圖為議員該員等務各按照定期與上次欽選各項議員暨各省互選議員一律齊集預備開院並各懷遵前旨竭誠協贊有厚望焉將此諭令知之欽此 四月十八日內閣奉

上諭汪大燮現在出差郵傳部左侍郎著李焜瀛署理欽此 此

四月十九日內閣奉

上諭郵傳部左丞著李經楚署理梁士詒著署理右丞左參議著胡祖蔭署理陳毅著署理右參議欽此 同日奉

上諭江蘇巡警道員缺著汪瑞閩試署欽此 同日奉

上諭瑞澂楊文鼎奏遵旨查明湘省痞匪藉饑擾亂地方文武辦理不善分別參辦一摺此次湘民肇亂該省城文武各員事前疏於防範臨時又因應失宜均屬咎有應得除開缺湖南巡撫岑春煇業經交部議處外巡警道賴承裕操切偏執肇衅釀患鹽法長寶道朱延熙遇事庸懦應變無方長沙協都司貴齡左營守備周長泰消防所所長游擊龔培林警務委員知縣周騰均保護不力著一併革職布政使莊廣良措置失當著開缺交部議處按察使周儒臣長沙府知府汪鳳瀛長沙縣知縣余屏垣善化縣知縣郭中廣身任地方亦難辭咎惟平日官聲尚好辦理善後亦頗敏慎周儒臣汪鳳瀛均著交部察議余屏垣郭中廣均著革職留任署長沙協副將楊明遠查拿匪犯尚能認真著摘去頂戴勒令捕匪以觀後效餘著照所議辦理該部知道欽此 同日奉

諭旨

上諭瑞澂奏特參紳士挾私釀亂請分別懲儆一摺據稱

該省議勸紳捐先辦義糶湘紳王先謙首先梗議事遂遷延變起之後復歸咎撫臣激變電請易人殊屬不知大體孔憲教楊鞏二人於推戴藩司推陷撫臣持之尤力楊鞏本係被議人員朦朧候選道尤屬品行卑下葉德輝當米貴時積穀萬餘石不肯減價出售實屬爲富不仁等語前國子監祭酒王先謙分省補用道孔憲教均著交部嚴加議處吏部主事葉德輝候選道楊鞏均著卽行革職交地方官嚴加管束餘著照所議辦理該部知道欽此 同日奉

上諭瑞澂楊文鼎奏會同籌辦湘省善後事宜一摺此次湘省變生倉猝雖因米價昂貴要求平糶而起實有莠民痞棍從中煽亂自非嚴懲不足以昭炯戒除業經格斃及正法各匪外所有續獲匪徒仍著悉心研鞫分別首從盡法懲辦以警刁頑其安分良民務須妥爲賑撫毋任失所至所陳一切善後事宜著卽相機妥速辦理

諭旨

用弭後患欽此 同日奉

上諭趙爾巽奏提督因病出缺據情代奏一摺已故四川

提督馬維騏由武童隨前雲貴總督岑毓英轉戰滇邊

三迤剿辦蠻夷各匪所向有功洊升總兵擢授提督巴

塘番逆搆亂統兵進剿全台肅清平日整頓營務勞瘁

不辭茲聞溘逝軫惜殊深馬維騏加恩著照提督軍營

立功後病故例從優議卹任內一切處分悉予開復應

得卹典該衙門察例具奏並將戰功事蹟宣付國史館

立傳伊子四川試用同知馬佩璈著以知府分省補用

以彰勞勩該衙門知道欽此

四月二十日內閣奉

上諭鹿傳霖奏病體難支仍請開去軍機大臣要差並續

假一個月一摺鹿傳霖著再賞假一個月並賞給人蔭

二兩安心調理毋庸開去軍機大臣差使欽此 同日

奉

上諭外務部尚書梁敦彥奏因病續假並請派署員缺一

六十四

五月

招梁敦彥著賞假兩個月外務部尚書兼會辦大臣著

鄒嘉來署理曹汝霖著署理外務部左侍郎外務部右

丞著劉玉麟署理欽此 同日奉

上諭湖南布政使著趙濱彥補授俞鍾穎著補授廣東按

察使欽此 同日奉

上諭湖南鹽法長寶道員缺著吳肇邦補授欽此 同日

奉

上諭湖南巡警道員缺著桂齡補授欽此

四月二十一日內閣奉

上諭廣東瓊崖道員缺緊要著該署督於通省道員內揀

員調補所遺員缺著榮元補授欽此

四月二十二日內閣奉

上諭前據給事中陳慶桂奏廣東新軍滋事恐有冤濫情

事請派員查辦一摺當經諭令張人駿澈底查究茲據

覆奏查明當日滋亂情形始由新軍二標與警兵口角

起釁繼因統帶官不准放假一標營兵首先鬧開革黨

倪映典藉端煽惑各兵希圖起事昌言於衆語極悖逆業經防軍當時格斃共斃死亂兵二十八名正法十一名先後拿獲亂黨四十餘名事雖救平而該管官等措置失當幾致良莠不分宜於輿情不洽前協統張哲培平日撫馭無方臨事棄營逃避一標統帶劉雨沛於標兵喧鬧之時卽已避匿次日又復私逃卽著袁樹勛拿解大理院治罪前充廣東老城巡警第一分局巡官試用巡檢陳慶靈縱容警兵鎖毆新軍兵士釀成鉅案實爲厲階著卽行革職督練公所參議道員吳錫永疏於籌畫臨事張皇統領水師親軍保升道員候補知府吳宗禹紀律不嚴失察兵丁剽竊均著交部議處署兩廣總督袁樹勛於兵勇交關彈壓剿撫兩失其宜且據查當時新軍畏避出外者多在場滋事者少事後來歸悉被遣散以致數年訓練尅期成鎮之兵一旦決裂敗壞實屬咎有難辭前據自請議處案經查明袁樹勛著交部議處其當日殉難之礮隊一營管帶齊汝漢著照協

諭旨

參領陣亡例從優議卹一標一營隊官胡思深一標二營隊官宋殿魁二標二營前隊隊官李鈺均著照正軍校陣亡例從優議卹至增祺袁樹勛前奏參一標一營管帶胡兆瓊一標二營管帶于如周一標三營管帶楊長卿礮隊二營管帶林金鏡工程營管帶陳宏驁重營管帶許嘉樹均著交部分別議處餘著照所議辦理該部知道欽此

四月二十三日內閣奉

上諭五月十六日夏至大祀 地於方澤遣莊親王載功恭代行禮 四從壇派希璋扎克丹延秀承蔭各分獻欽此 同日奉

上諭吏部奏遵議湖南官紳處分各一摺開缺湖南巡撫岑春煇開缺湖南布政使莊賡良均著照部議革職湖南按察使周儒臣長沙府知府汪鳳瀛應得降三級調用處分加恩改爲降三級留任前國子監祭酒王先謙分省補用道孔憲教均著照部議降五級調用欽此

電 旨

同日奉

上諭直隸承德府知府員缺緊要著熱河都統會同直隸總督於通省知府內揀員調補所遺員缺著陳應濤補授欽此 同日奉

旨此次考取各省保送舉貢著於五月初二日在保和殿覆試欽此

四月二十四日內閣奉

上諭陝西勸業道員缺著光昭補授欽此 同日奉

上諭陝西西安府知府員缺緊要著該撫於通省知府內揀員調補所遺員缺著丁麟年補授欽此

四月二十五日內閣奉

上諭御史儼忠奏州縣懸案不結監禁多人無辜被累請飭認真查辦以維憲政一摺近來舉行憲政認獄一事尤宜實心清理惟各省審判廳尙未能一律成立各州縣辦理命盜案件難保無羈繫牽累等弊著各直省督撫認真查核如地方官有懸案不結無辜久禁者從嚴

六十六

五月

參辦以副朝廷矜恤庶獄之至意欽此

四月二十六日內閣奉

上諭河南開歸陳許鄭道員缺著江瀚補授欽此 同日奉

上諭雲南普洱鎮總兵員缺著王世雄調補謝有功著調補山西太原鎮總兵欽此

四月二十七日內閣奉

上諭浙江巡警道員缺著楊士燮補授勸業道員缺著董元亮補授欽此

四月二十八日內閣奉

上諭浙江嘉興府知府員缺著英霖補授欽此

電 旨

四月十八日奉

旨郵傳部左侍郎汪大燮著充出使日本國大臣欽此

交 旨

四月初二日軍機大臣欽奉

諭旨貝勒載洵等奏 崇陵現修工程情形一摺知道了

欽此

四月初三日軍機大臣欽奉

諭旨吏部奏己革山西候補知縣姜誥被參冤抑據丁寶

銓確切查明聲請昭雪應如何量予恩施請旨一摺已

革山西候補知縣姜誥著銷去永不敘用字樣欽此

四月初四日軍機大臣欽奉

諭旨署陸軍部左侍郎那晉差務較繁著毋庸進文職班

欽此 同日奉

諭旨會議政務處奏議覆錫良等奏調查東三省各蒙旗

情形籌擬變通辦法一摺又奏議覆錫良代奏蒙王皇

請速行憲法一片均著依議又奏派幫提調一片知道

了欽此 同日奉

交 旨

諭旨都察院代奏安徽京官內閣中書殷良弼等請將故

紳河南遇缺題奏道開封府知府孫雲錦附祀會國墓

安慶專祠呈一件著照所請該部知道欽此 同日奉

諭旨御史蕭丙炎奏各省釐金積弊太甚請飭嚴加整頓

一摺著該衙門知道欽此

四月初六日軍機大臣欽奉

諭旨禁煙大臣恭親王溥偉等奏議覆署兩廣總督袁樹

勛奏請明定覆驗煙癮期限章程應請毋庸置議一摺

知道了欽此

四月初七日軍機大臣欽奉

諭旨憲政編查館修訂法律大臣會奏請將繕寫黃冊兩

館當差之供事酌予獎敘一片著依議欽此

四月初八日軍機大臣欽奉

諭旨禮部左參議曹廣權奏預備立憲宜及時整飭禮樂

以正人心而厚風俗著該衙門議奏欽此 同日奉

諭旨內閣侍讀學士延昌奏舉行法官考試請飭改定規

交 旨

則一摺著該衙門議奏欽此

四月初十日軍機大臣欽奉

諭旨禮部會議具奏議覆給事中陳慶桂奏請將明儒湛

若水從祀 文廟擬請毋庸議一摺著依議欽此

四月十一日軍機大臣欽奉

諭旨禁煙大臣溥偉等奏廣東高州鎮總兵陸建章應否

由禁煙大臣調京查驗抑由該署督照章取結等語陸

建章著由袁樹勛按照定章認真查驗欽此

四月十二日軍機大臣欽奉

諭旨給事中王金鎔奏永平七屬鹽務迭次生事請飭督

辦鹽政大臣遴員調查各摺片著督辦鹽政大臣查核

辦理欽此 同日奉

諭旨本日引見之卓異官在任候選道直隸州用直隸豐

潤縣知縣馬爲援著以道員在任即選欽此 同日奉

諭旨本日引見之賞還原銜已革雲南石屏州知州方紹

濂著以知縣用欽此 同日奉

六十八

五 月

諭旨本日引見之期滿侍衛王國忠著以副將發往河南

差委欽此 同日奉

諭旨本日引見之降補都司前浙江平陽協副將曹春發

著以參將用欽此

四月十五日軍機大臣欽奉

諭旨貝勒載洵等奏恭修 崇陵工程妥籌善法一摺又

奏派前奉天勸業道降補同知黃開文充監修差一片

均知道了欽此

四月十六日軍機大臣欽奉

諭旨肅親王善耆毋庸在梁格莊值班欽此 同日奉

諭旨會議政務處奏議覆陳昭常奏酌易吉省添設民官

各缺並請添設雙陽德惠兩縣一摺著依議欽此

四月十七日軍機大臣欽奉

諭旨資政院奏各省諮議局互選該院議員一律選定開

單呈覽一摺知道了欽此 同日奉

諭旨陸軍部奏前督辦北洋陸軍各學堂學務段祺瑞請

如何獎勵等語副都統段祺瑞著賞給頭品頂戴欽此

四月十九日軍機大臣欽奉

諭旨郵傳部會奏遵旨查明浙路公司擬造江橋被參各

節並籌擬辦法一摺著依議欽此 同日奉

諭旨御史趙炳麟奏請飭議確定行政經費一摺著在京

各衙門各省將軍督撫將九年籌備單內所開各條某

年某事需款若干從何籌定分年列表詳議具奏至所

稱湘鄂等省流民衆多豫籌安插之策等語著該部妥

籌議奏欽此 同日奉

諭旨順天府奏順天禁煙辦有成效遵照原案撤局以節

糜費一摺著依議又奏直隸補用道斌循請獎一片著

暫緩給獎又奏候補知府前昌平州知州楊同高給咨

送部一片著吏部知道欽此 同日奉

諭旨順天府奏修補鳳河等處隄工動用備荒經費銀兩

一摺著該部知道又奏派員署理東路同知各缺一片

知道了欽此

交 旨

四月二十日軍機大臣欽奉

諭旨憲政編查館奏派員分赴各省考查籌備憲政實在

情形一摺著依議又奏候補四品京堂楊度病痊銷假

一片知道了欽此 同日奉

諭旨理藩部奏酌擬諮議官繕單呈覽一摺又奏咨調人

員附入調查編纂兩科襄理文牘一片均著依議欽此

四月二十一日軍機大臣欽奉

諭旨此次廷試游學畢業生著於五月初二日起分二日

帶領引見欽此

四月二十三日軍機大臣欽奉

諭旨御史陳善同奏資政院開院會議事屬創舉請飭各

議員先事實行籌備一摺著資政院知道欽此 同日

奉

諭旨吏部奏已革直隸豐潤縣知縣郭文翥等五員據直

隸總督查覆確係被參冤抑可否准其開復原官聲明

請旨一摺郭文翥等五員均著吏部帶領引見欽此

六十九

庚戌

內閣驗放單
吏部引見單

同日奉

諭旨度支部奏請將官俸章程按照國幣則例釐定等語

著依議欽此

四月二十四日軍機大臣欽奉

諭旨延祉奏因病請開去理藩部諮議官差使一摺著理

藩部知道欽此

四月二十八日軍機大臣欽奉

諭旨吏部奏遵議處分一摺署兩廣總督袁樹勛著照部

議革職留任督練公所參議道員吳錫永統領水師親

軍候補知府吳宗禹各應得降一級調用公罪處分著

不准抵銷欽此 同日奉

諭旨禁煙大臣恭親王溥偉等奏請將違章吸煙之記名

提督李玉魁照章革職永不敘用一摺著依議欽此

四月二十九日軍機大臣欽奉

諭旨憲政編查館奏遵限考核京外各衙門第三年第二

次籌備憲政成績一摺知道了欽此 同日奉

七十

五月

諭旨都察院代奏候選直隸州州判王維泰條陳考試留
學生請變通授職酌量派差呈一件學部知道欽此

內閣驗放單
吏部引見單

四月初十日經內閣奏 派王大臣驗放分發安徽試

用同知左景祺山西試用同知鹿煌世河南試用同知

龐士雲豫河試用同知陳嘉謀陝西試用同知孫鎮山

直隸補用直隸州知州耿守恩江蘇試用直隸州知州

李述唐河南試用直隸州知州張士毅直隸改選班補

用知州趙芷哇張潤霖山東試用知州傅鎮直隸試用

通判王光第魏宗嘜江蘇試用通判王祖詒安徽試用

通判黃臺山西試用通判馮懋甘肅試用通判孫鴻年

湖北試用通判何壽春余綬廣西試用通判丁樹廉貴

州試用通判潘祖豫直隸補用知縣左炳南張樹芳王

以安孔憲泰孔昭栻江蘇改選班補用知縣傅乾興山

東補用知縣黃韓鼎山東改選班補用知縣孟廣漢山

西改選班補用知縣李鑫浙江補用知縣鄭君醴廣東
補用知縣張時覺直隸試用知縣朱俊江蘇試用知縣
胡延長安徽試用知縣高銑山東試用知縣曹允恭董
塘山西試用知縣王錫祺裴相玉河南試用知縣史啓
文李汝觀傅培涵徐仲真陝西試用知縣陳曜臨浙江
試用知縣鄭德元江西試用知縣胡維翰湖北試用知
縣潘志清盧寶銀謝壤材廣東試用知縣方勳庸雲南
試用知縣冉之簡貴州試用知縣李德鴻江西試用布
庫大使伍鑾清湖南試用布庫大使崇治兩淮試用鹽
大使文綺浙江補用鹽大使陳詩庚長蘆試用鹽大使
李錫形兩淮試用鹽大使朱廉山東試用鹽大使商文
蔚廣東試用鹽大使向桐浙江補用批驗所大使松澄
兩淮試用批驗所大使邵裕岑均堪以照例發往保舉
直隸補用知縣黃守臧堪以照例用揀選一等舉人伍
文祥堪以知縣用揀選二等舉人林再森李瑞瑾均堪
以直隸州州同鹽庫各大使掣用開復前廣西補用同

內閣驗放
吏部引見單

知李祥麟堪以准其開復原官仍發原省照例用前廣
東電白縣知縣陳柏侯堪以准其開復原官照例用花
翎同知銜前四川候補知縣陳啟昌堪以准其開復原
官銜翎仍發原省照例用前江西候補知縣史悠頤堪
以准其開復原官照例用奏留吏部學習司務謝保南
堪以准其留部十一日覆奏奉

旨依議欽此

四月十二日奉

旨詹生蘊璵著以待衛用承綱著以旗員用李增燿著外
用截取知府大理院刑科第四庭推事梁秉鑫著以簡
缺知府用月選江西撫州府水利通判李式典直隸順
德府知府嚴震四川忠州直隸州知州金志鵬擬補內
閣中書熊璧湖南布庫大使吳必芬俱著准其補授升
補廣東儋州知州陸繼昌著准其升補卓異直隸署宣
化府知府正任保定府知府王守堃著准其卓異加一
級仍註冊回任候升分發直隸補用道熙魁鍾寶億江

內閣駁放單
吏部引見單

蘇補用道陳昌毅直隸試用道桂梁江蘇試用道袁體
乾河南試用道陳均江西試用道楊焯湖北試用道汪
時雍四川試用道王仁照河南補用知府汪維城河南
試用知府劉邦珍浙江試用知府曾樸湖北試用知府
趙之駉貴州試用知府任本恕俱著照例發往欽此又
軍機處片交本日帶領引 見之休致前河南試用知
縣張鴻森奉

旨著以縣丞用欽此

四月十三日奉

旨詹生秦豫元著外用邱元山著外用黃振禮著外用截

取知府大理院民科第二庭推事聶夢麟著以簡缺知

府用大理院民科第一庭推事譚廷颺著照例用倉場

總督衙門學習筆帖式一缺著隆森去其餘三員著記

名步軍統領衙門學習筆帖式三缺著隆文與保舒忠

去其餘各員著記名直隸總督衙門筆帖式員缺著舒

紳補授月選 昭西陵禮部郎中啓棟 定陵禮部郎

七十二

五月

中錫年禮部筆帖式世卿鑾與衛筆帖式禧茂擬補內
閣中書王憲齋馬存仁准補雲南平彝縣知縣施允深
俱著准其補授欽此